

Húnavatnshreppur  
b/t Þorgils Magnússon  
Húnavellir  
541 Blönduós

Reykjavík 7. maí 2019  
UST201904-002/A.B.  
10.04.03

### **Efni: Tillaga - Deiliskipulag – Strangakvísl – Húnavatnshreppur**

Vísað er til erindis skipulags- og byggingarfulltrúa Húnavatnshrepps er barst 31. mars sl. þar sem óskað er umsagnar Umhverfisstofnunar á tillögu að deiliskipulagi fyrir Ströngukvíslarskála í Húnavatnshreppi.

Í greinargerð kemur fram að í dag er að finna á svæðinu gangnamannakofa, hesthús, hesthúsbragga og geymslu/rafstöð. Einnig kemur fram að byggt verður nýtt 72 m<sup>2</sup> hesthús.

#### **Friðlýst svæði**

Umhverfisstofnun bendir á að tillagan sem hér um ræðir er á friðlandi sem nefnist Guðlaugstungur, Svörtutungur og Álfgeirstungur (Ásgeirstungur) og var landið friðlýst sem friðland með auglýsingu í Stjórnartíðindum B nr. 1150/2005. Tungurnar eru á hálendinu norðvestan við Hofsjökul og er svæðið rúmlega 401 km<sup>2</sup>. Markmið friðlýsingarinnar er að vernda víðfeðmt og gróskumikið votlendi og stórt, fjölbreytt og mikilvægt rústasvæði. Svæðið er alþjóðlega mikilvægt fyrir heiðagæs (*Anser brachyrhynchus*). Umhverfisstofnun telur mikilvægt að þetta komi fram í tillögunni og að tillagan sé í samræmi við friðslýsingarskilmála fyrir friðlandið.

Umhverfisstofnun stefnir á gerð stjórnunar- og verndaráætlunar í samstarfi við sveitarfélagið, landeigendur og aðra hagsmunaaðila svæðisins.

#### **Leyfi til framkvæmda**

Umhverfisstofnun bendir á að samkvæmt friðlýsingarskilmálum er öll ný mannvirkjagerð óheimili nema með leyfi Umhverfisstofnunar og Húnavatnshrepps en í 5. gr friðslýsingarskilmála segir: „*Mannvirkjagerð, jarðrask og aðrar breytingar á landi, svo og breytingar á rennsli vatna og vatnsborðshæð, eru óheimilar nema til komi leyfi Umhverfisstofnunar og sveitarstjórnar Bólstaðarhlíðarhrepps* [nú Húnavatnshrepps]. “

Umhverfisstofnun bendir á að þó svo að stofnunin veiti umsögn varðandi tillöguna á þessu stigi máls, þarf ávallt að óska eftir leyfi til framkvæmda til stofnunarinnar og sveitarfélagsins innan friðlandsins.

### **Verndargildi**

Mikilvægt er að mati Umhverfisstofnunar að byggja upp innviði svæðisins, að gönguleiðir séu afmarkaðrar og settar séu umgengisreglur í samræmi við friðlýsingarskilmála til að tryggja að verndargildi svæðisins rýrni ekki. Í 4. gr. friðlýsingarskilmála segir: „Óheimilt er að spilla gróðri, trufla dýralíf og hrófla við jarðmyndunum og öðrum náttúruminum í friðlandinu“. Umhverfisstofnun telur mikilvægt að umferð gesta á svæðinu sé stýrt til að koma í veg fyrir rask og draga úr ágangi á viðkvæma náttúru á svæðinu og í næsta nágrenni þess.

### **Bílastæði**


Í greinargerð kemur fram að áætluð bílastæðapörf sé 15 stæði og þar af eitt rústæði. Umhverfisstofnun bendir á að í 7. gr. friðlýsingaskilmála segir að umferð vélknúinna ökutækja í friðlandinu er aðeins leyfð á vegum og því mikilvægi þess að bílastæði sé afmarkað á uppdrætti og á framkvæmdasvæðinu til að koma í veg fyrir utanvegaakstur og til að stýra umferð.

### **Fráveita**

Fráveita í dag er í formi rotþróar án siturbeðis og því er um að ræða eins þrepa hreinsun. Umhverfisstofnun bendir á að öll fráveita skal vera skv. reglugerð um fráveitu og skólp nr. 798/1999 og mikilvægt er að það komi fram í tillögunni. Það er mat Umhverfisstofnunar að það sé mikilvægt að það komi fram í tillögunni hvernig fráveitumál verða leyst á svæðinu, þar sem að jarðvegur er rýr á þeim stað sem salerni og fráveitumannvirki eru staðsett á uppdrætti.

### **Fuglalíf**

Umhverfisstofnun bendir á að samkvæmt 7. gr. friðlýsingar segir að umferð um varplönd heiðagæsar er bönnuð á tímabilinu 1. maí til 20. júní á svæði norðan línu sem dregin er frá Blöndu við Skiptahól og sjónhendingu í Hraungarðshaus og nær skipulagstillagan til svæðisins. Umhverfisstofnun bendir á mikilvægi þess að þetta komi fram í skilmálum deiliskipulagsins.



Axel Benediktsson  
sérfræðingur

Virðingarfyllst



Rákel Kristjánsdóttir  
sérfræðingur